MotoLyrics.com

MotoLyrics

Biggest, regularly updated and free lyrics database

Silly Wizard "Donald Macgillavry"

Visit "Donald Macgillavry" on MotoLyrics.com

Donald's gane up the hill hard and hungry, Donald comes down the hill wild and angry; Donald will clear the gouk's nest cleverly, Here's to the king and Donald Macgillavry. Come like a weigh-bauk, Donald Macgillavry, Come like a weigh-bauk, Donald Macgillavry, Balance them fair, and balance them cleverly: Off wi'the counterfeit, Donald Macgillavry. Donald's run o'er the hill but his tether, man, As he were wud, or stang'd wi' an ether, man; When he comes back, there's some will look merrily: Here's to King James and to Donald Macgillavry. Come like a weaver, Donald Macgillavry, Come like a weaver, Donald Macgillavry, Pack on your back, and elwand sae cleverly; Gie them full measure, my Donald Macgillavry. Donald has foughten wi' rief and roguery; Donald has dinner'd wi banes and beggary, Better it were for Whigs and Whiggery Meeting the devil than Donald Macgillavry. Come like a tailor, Donald Macgillavry, Come like a tailor, Donald Macgillavry, Push about, in and out, thimble them cleverly, Here's to King James and to Donald Macgillavry. Donald's the callan that brooks nae tangleness; Whigging and prigging and a'newfangleness, They maun be gane: he winna be baukit, man: He maun hae justice, or faith he'll tak it, man. Come like a cobler, Donald Macgillavry, Come like a cobler, Donald Macgillavry; Beat them, and bore them, and lingel them cleverly, Up wi' King James and wi' Donald Macgillavry. Donald was mumpit wi' mirds and mockery; Donald was blinded wi' blads o' property; Arles ran high, but makings were naething, man, Lord, how Donald is flyting and fretting, man. Come like the devil, Donald Macgillavry, Come like the devil, Donald Macgillavry; Skelp them and scaud them that proved sae unbritherly, Up wi' King James and wi' Donald Macgillavry!

Visit <u>Silly Wizard</u> page on MotoLyrics.com, to get more lyrics and videos.

MotoLyrics.com | Lyrics, music videos, artist biographies, releases and more.